

## UIATANI

**COVID-19** sabisi sae sigimin manggisirangko gope ba so'e galna, Sorkarini Health & Family Welfare Department-ni tarigimin niamrangko ja'rikna nanggen aro apsan niamrangko ka'mao mesokatenggipa website-o man'gen.

<http://covid19.india.gov.in/document/guidelines-on-dead-body-management/>

1. Atchingo gingtingoni ong'katchapgipa chirangchi Covid-19 sabisiko mongsongbate man'ningbata. Unigimin, simsake aro niamko ja'rike, sigimin manggisiko dangtapode, dakchakenggipa health worker-rang, nokdangni manderang ba volunteer-rangona, ia sabisi batjawa.
2. Sigimin manggisiko niam gita ra'chakgipa jola, bakos ba coffin-rango chipani ja'mano, mang-ko noktangona ra'angna man'gen. Indiba, bakos ba coffin-ko nokdringona ra'napgija a'palo dona nanga aro ia plakkon manggisiko ra'bana skang, nokni manderang ba ma'drangrang, a'palo donchakna tarisona nanga. Donchakna nokni a'palango biap dongjaode, coffin-ko gopram ba so'chakram biapona joljol ra'angna nanga. Coffin-ko nokni a'palo kanta kolatchidok (36) san dona ba rakkina man'aigen.
3. Jemangan gopchakram ba so'chakram biapo dongpagenchim, uamang surgical mask ba glove-rangko ganna nanga aro matchotmano jakrangko namedake jaksuna nanga.
4. Gopchakgipa ba so'chakgipa biaprango mande bang'e dongna nangja. Social Distancing-ko ja'rikna nanga maina nokni manderangsa sabisiko man'ningbata aro jinma tom'dake donganichi sabisi saksa sakgipinchi batrikrikna altubata.
5. Bon'kame sianggipa mandeko mikkang nirikna, gopatenggipa ba so'na dakchakenggipa manderang simsake, dongimin niamko ja'rike, manggisiko chipchakgipa bag-ko, mikkang nirikna nokni manderangna kulie on'na man'gen.
6. Toromni gita ja'rikbewalanirang jekai, Sastro poraina, rongtalgipa chi (holy Water) ko satkikina ba bon'kame dakna nanggni kamrangko, sigimin mandeni bimangko dangtapgija, matchotatna man'gen.
7. Sigimin mandeko au-miksuatna, ku'dimna ba gipakrikna nangja.
8. Manggisiko gopna ba so'na dakchakgiparang ba nokni manderang gopani ba so'ani ja'mano, simsake an'tangtangni jakrangko rongtalatna nanga.
9. Manggisiko gopatna a'ako ft. dok (ft.6) mang tu'e cho'na nanga.
10. Manggisiko so'genchimode, so'ani tapprarangna mamungba kenchakani dongja aro so'manani ja'mano tapprako ra'ena man'gen.
11. Manggisiko gopram ba so'chakram biapona salanggipa gariko, gopatenggipa manderangni ra'ongkatani ja'mano, pharmacy-rango man'gipa 1% Sodium Hypochlorite sam-chi namedake su'srangna nanga. Iako gopna manggisiko gariniko de'ongkatgipa manderangan namedake su'galna nanga.